

Broj: 01-822-02-6/18

Datum: 04.09.2018

Na osnovu člana 64. stav 1 a)., člana 70. Zakona o javnim nabavkama („Službene novine BiH“, broj 39/14), na Preporuku Komisije za javne nabavke broj 01-822-02-5/18 od 04.09.2018.godine u postupku javne nabavke radova na asfaltiranju i markiranju pristupnih površina, parking prostora i sportskih terena u Zavodu za vaspitanje muške djece i omladine-Sarajevo, direktor Zavoda je donio

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke broj 01-822-02-5/18 od 04.09.2018.godine i ugovor za javnu nabavku radova na asfaltiranju i markiranju pristupnih površina, parking prostora i sportskih terena u Zavodu za vaspitanje muške djece i omladine-Sarajevo dodjeljuje se ponuđaču **Hadžić Gradnja d.o.o. Sarajevo, Ponuda broj 27-08/18-SH od 27.08.2018.godine, za ponudenu cijenu od 85.009,55 KM (sa obračunatim popustom od 1% i bez uračunatog PDV-a), rokom završetka radova od 30 (trideset) kalendarskih dana i garancijom na izvedene radove 24 mjeseca od dana tehničkog prijema.**

Član 2.

Prijedlog ugovora o nabavci predmetnih radova dostavit će se na potpis izabranom ponuđaču Hadžić-Gradnja d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijske, pravne i opšte poslove.

Član 4.

Ova Odluka objavit će se na web stranici Zavoda istovremeno sa upućivanjem ponuđaču koji je učestvovao u postupku javne nabavke u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-822-02/18 od 06.08.2018.godine. Javna nabavka je provedena putem otvorenog postupka. Procjenjena vrijednost javne nabavke bez PDV-a iznosi 95.758,83 KM. Obavijest o nabavci objavljena je na Portalu javnih nabavki broj 596-1-3-8-3-15/18 od 07.08.2018.godine i u “Službenom glasniku BiH” broj 55/18 od 10.08.2018.godine. Komisija za javnu nabavku imenovana je Rješenjem direktora broj 01-822-02-2/18 od 06.08.2018.godine.

Nakon otvaranja i pregledavanja dostavljene ponude, Komisija za javnu nabavku dostavila je dana 04.09.2018.godine Zapisnik o pregledu i ocjeni ponuda broj 01-802-02-4/17 od 04.09.2018.godine i Preporuku o izboru najpovoljnijeg ponuđača broj 01-822-02-5/18 od 04.09.2018.godine u postupku javne nabavke radova na asfaltiranju i markiranju pristupnih površina, parking prostora i sportskih terena u Zavodu za vaspitanje muške djece i omladine-Sarajevo.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponude i ocjenu prispijele ponude o čemu je sačinila odgovarajući zapisnik u kojem je utvrđeno sljedeće:

- da je ukupan broj pristiglih ponuda 1
- da je ponuda blagovremeno zaprimljena
- da nije bilo neblagovremenih ponuda
- da je ponuda jedinog ponuđača prihvatljiva

U postupku ocjene provedenog postupka direktor nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Uvidom u priloženu dokumentaciju nesporno je da je jedini i izabrani ponuđač ocjenjen prema kriteriju ekonomski najpovoljnija ponuda međutim Komisija nije imala potrebu pristupati matematičkim operacijama bodovanja ponude prema svakom pojedinačnom zadatom podkriteriju, radi utvrđivanja bodovne rang liste nego je shodno postojećim činjenicama i izvršenoj analizi raspoložive dokumentacije konstatovala da je tehnički prihvatljiva i ujedno jedina pristigla ponuda ponuđača Hadžić Gradnja d.o.o., te predložila donošenje odluke o dodjeli ugovora za nabavku radova na asfaltiranju i markiranju pristupnih površina, parking prostora i sportskih terena u Zavodu za vaspitanje muške djece i omladine-Sarajevo ponuđaču Hadžić Gradnji d.o.o. Sarajevo.

Iz navedenih razloga primjenom člana 64. stav 1. tačka a “**ekonomski najpovoljnija cijena**” Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba najkasnije u roku od 10 (deset) dana od prijema ove Odluke.

DIREKTOR

Šuško Dževad, dipl.scr

Dostaviti:

1. Hadžić-Gradnja d.o.o. Sarajevo
2. Evidencija
3. a/a